

文苑英華卷第九百三十一

碑八十八神十九

官官上

內侍高延福碑一首

內給事郎諫議大夫常公碑一首



內侍陳盛忠碑一首

內侍省孫常楷碑一首

內侍省內侍焦希望碑一首

內侍高君神道碑

張說

孝足動天義堪變地河中見三州之姓炳彼精誠南亭聞
再逢之母彰茲竒事不有陰德曠代誰鄰內侍高延福者
將軍力士之慈茲父也粵自西雲干呂東明銜璧以亡王之
族處巷伯之官而將軍本系馮亭代家南越未知父母來

奉宮闈老而無子曰悲幼而失親曰苦調之悲者笙磬異
器而同音貌之苦者秦胡別狀而共色從此斷金合要投
漆相授承順無違日嚴生乎本性仁慈匪飾天屬由乎自
我父子之名既定姓氏之目遂集作移大將軍之家去鄭
而取衛平原侯之室變國而從甄亦猶是也既而內侍以
鴻漸登朝苒弱集作朱紱將軍以龍樓得主艷耀金章其
訓子也温室之樹無言車中之馬數對其事親也三牲有
養志之樂百行無匪疾之憂至矣哉高氏之子也以思親
之願而展親以欲報之誠而報德神明翕而哀懇荒裔竦
而慕義乃有傍求聖善提挈炎州二紀積離萬里遙至音
容莫識涕對茫然驗七星於子心認雙環於母臂而後

傷頓感若墜谷而騰

集作

天蘊怨都除類愈矇而親只於

是盡歡兩媪兼敬三人均養之恩咸不寐於十起反哺之

志齊色難於一堂群公賀虞潭之親天子歎馮勤之母此

復然矣內侍事主四朝歷官七政專良恭肅著美綸言温

集作

謙儉讓得名朝列享年六十有四開元十二年終於

來庭里明年五月塋于

集作

長樂原繼子力士喪孺慕而

加等塋壑誠而備物義方之經鬱為稱首孝德之傳今見
其人未惟先恩追綴餘烈若夫慈羈旅之稚童仁也約詩
禮之尊教義也貴不居而要避權禮也生推心而死有託
信也仁為德本義為行先禮為身宅信為意田故仁之報
也壽義之報也禮樂之報也安信之報也順履順居安乘

樂享壽此四者生人之偉事日牛之深致者矣於戲領集

領賜冠馳寵勢偃蹇俗上煜爚君傍者豈不思景行高山

慎視前轍如或少選亡禮顛沛違仁瞻言四報咫尺千里

揚芳樹淑其不務乎余固春秋之徒也懲不濫而勤不僭

義重天綱孝崇仁紀樂諄諄之誠訓善哀哀之克予不著

倚相之書將受丘明之耻九原之上集無千目集作深覽

俾攀傷知音有以見古史之心也銘曰

高堂樂未散重壤哀已擗寶帳吹靈衣金尊照塵席苦長

夜之易泯怨寸景之難惜列集作義聲與孝心萬古千齡

傳此石

內給事諫議大夫常公神道碑

于肅

衡嶽之峻極于天作鎮五嶺炎海之包括于地委輸百川

以崇山之靈漲濱海之闊孕毓粹氣實生英才厥有常府

君則其人也自豕芾開國積德累業西漢丞相父子繼為

醇儒衣冠相襲傳慶不絕得其姓者見重於時可謂源深

派長本大枝茂者矣公諱某京兆人也祖某不仕父楚皇

任朝散大夫內給事中武德使判宮闈令事皆奕世載德

繼美承家公幼有奇操形神爽邁器宇沉正識者異之髫

鬣之年參內侍省出入門閤情志專良開元十年解褐授

內府局丞典御府之藏列內官之秩勲愿慎密肅恭矜莊

洵美可觀碩大且儼事因績著官以課遷尋充市舶使至

于廣府賙賁納貢寶貝委積上甚嘉之每宣諭諸道曾無

寧歲敷敷詔旨人皆說服天寶初拜朝議郎判官關令知本局事至五年加朝散大夫內謁者監皇唐六葉道泰時康朝野歡娛禮物備具公以才藝敏悟頻操員職垂青組之榮綰銀艾之寵受宣紹命侍衛軒墀顧盼增輝時望歸美尋加朝議大夫拜內給事中判本官事春遇愈深品秩優異上方垂衣致理端冕穆清或侍獵長擗扈遊閑館隨雕輦而稱警接瓊筵而獻壽排金地登玉堂請奏密命承傳天憲公之德形於外可得而言公之美暢於中不可得而知也懿夫近臣之職其來尚矣位著天象官分周制蓋以萬乘崇嚴九重深邃出納綸旨陪奉宸居宜有司存委任親重或導從輿輦或典司禁署凡百千數不可殫論若

非理識端詳幹略稱最者則不得揮翰內省分曹局司以公之才雅有令問嗚呼蘭孫方茂秋風敗之以乾元元年七月二十八日終于私第春秋六十有六皇情軫悼僚執零涕悲夫公歷事兩朝效官三紀其奉上也敬其與人也忠其蒞職也勤其立身也信雖伯子好善史游納忠方之於公彼有慙色夫人宋氏德行溫厚姿容婉媚從夫之貴尋封廣平縣君以至德二年先公而逝乾元二年五月七日合祔於長安縣龍首原禮也嗣子中散大夫守內侍省上柱國賜紫金魚袋守宗次子內侍省內侍伯守堅次子內侍省宮教博士守幹皆克紹前脩佩服嚴訓未慕蓼莪之痛長懷創鉅之悲揚名顯親頌德褒美昊天罔極孝莫

大馬敬述徽猷書于樂石銘曰

英英帝公山岳粹氣植性敏達存誠忠懿應物之材荆鍾
之利踐言履信依仁守義五登秩序三掌臧司使繁省闕
密勿軒墀進退容止周旋羽儀壯圖未展遷壑纏悲鳳城
之側龍首之陽墳生宿草魂闕連岡逝川分泔泔隴樹兮
蒼蒼勒銘兮貞石千古兮傳芳

內侍陳忠盛神道碑

裴士淹

夫北辰垂象南面居尊紫禁一作殿崇嚴彤庭奧密靜言近
侍允屬能賢其誰見稱則有我陳府君矣公諱忠盛字懷
泰穎川許昌人也其先出自帝舜至遏父為周陶正受封
于陳子孫因以為氏粵若尚書孝德頒賜聞乎題劍太室

高義禮賢為之下榻代襲賢貞門承軒冕因從官京邑今
遂家于長安曾祖 正議大夫內給事祖守節正議大

夫內常侍父文叔銀青光祿大夫內常侍或肅或又克寬

克仁好古而探墳籍懋官而紆青紫公幼懷端怒夙著嘉

聞一作肅飾一作肅躬以筮仕服勤以成業先天歲解褐補內侍省

掖庭局監尋轉內僕丞內僕令秩滿遷內侍伯內謁者監

加朝散大夫恪居官次夙夜惟寅爰被冊霄之澤載延朱

紱之慶典新樂之絲桐名與公偕勤亦至矣騁高衢而方

遠何景命而不融以天寶十三年五月二日遘疾薨于輔

典里之私第春秋六十有五惟公黃中多可素履居貞宅

心知訓執事有恪至若怡神以全道體命以適時義以拯

桐下空六字

文苑英華卷一百一十五

物禮以從政故能奉絲言而無失馳驛騎而有光俄拜內
給事內常侍尋除朝議大夫守內侍秩序斯崇恩華轉茂
位益高而心益下德逾邁而氣逾和且以幹能充膺任寄
前後奉使者十有三馬至乃夢三清於太極之府是脩功
德志五樂於無何之鄉式瞻神異崇茲真廟獲彼靈符邁
候旬而訪仙經歷名山而隨羽客然後稽少陽之必舉懷
令圖而允臧豈惟藝足侍書材優叅乘巷伯刺諛之什史
游忠益之規固可謂無競伊人溫恭淑慎者已以其年閏
十一月九日葬于長安縣承平鄉之原夫人上谷縣君成
氏四德無虧三從罔徒一作夫先天十四年正月二十九日
後君而亡以乾元三年五月七日合葬于舊阡一作禮也

長子仙鶴昭武校尉左衛豐浩府折衝次子仙鳳振威校
尉行右金吾衛左中候侯仙甫才惟轉達職在春官今上御
極釋褐特賜銀章朱紱拜內謁者監仙賢仙管等太丘父
子荀氏弟兄事國以忠奉先惟孝感寒泉而增慕卜幽宅
而罔艱懼遷陵谷式揚碑版銘曰

帝舜洪胄胡公令名三恪惟甫八代至成本仁祖義國史
家聲椒聊之實莫我與京其懿範彌昌宏材益振果行育
德履信思順執心有恒改過不悛政符省括理必遊刃其
陟遐自邇休有烈光翻飛省闈翊侍巖廊導宣國命輝耀
銀璫丹誠每竭朱紱斯皇其乘遷周流奚往非適瑞徵桃
塞藥獻梁益新廟真容名山靈跡爰典樂正奚稽市籍其

吳窮不愁殲我惟賢四星猶列一德空傳慘風雲於故里
樹松檟於新阡載刊乎貞石末賁於幽泉其五

內侍省內常侍孫常楷神道碑 于邵

易之繫云君子之道或出或處其出也爲國蓋臣銘勲彝
鼎其處也保家燕居谷神齊物蓋卷舒在我不違其正而
已今得之於孫常侍歟公姓孫氏諱常楷京兆涇陽人也
有魁岸之姿有沉毅之略年甫羈貫而筮仕焉委質四朝
咸著聲績在玄宗朝拔乎群萃之中始受賞九層之構兆
於此矣在肅宗朝特見寵遇其時襄陽易帥滑臺命將屬
安羯史盜作亂之後兩軍未戢王命或壅以公有奉使專
對之才俾受節鉞將我詔旨襄峴響風河滑朝宗皆公之

力也在代宗朝僕固懷恩擁衆汾上仍以姦子作亂外邑
北窺大鹵之地南侵蒲坂之封蟻聚鴟張關輔震駭公以
單車之使杖節直進誕敷威德陰携黨與元惡奔潰狡童
拆首猶以餘衆嘯聚朔陲公乃通和獯戎俾發義師與郭
汾陽等諸軍犄角姦克敗績萬國底寧斯又公之勞也前
此急宣藩維會計大務必能盡瘁以奉投艱明明三后稱
嘆多矣事今上也每侍帷幄且曰求舊嘉謀讜詞入陳出
秘扈避狄也著奔問之勤從省方也有執駟之効建法駕
還宮特加褒獎斯又公之忠也其後晦明生疾屢在長告
是能閉朱門蔽華屋不屑塵事隱几頤神維清淨爲師維
友愛是篤物我俱喪不知老之將至云爾本其族姓則春

秋時在衛世卿三國時有吳稱帝晉魏而下代生明哲至
大父孝廉擢第烈考庭玉右金吾衛中候贈兗州刺史或
高上不仕或大用靡臻第其揚歷則四進散官正五遷近職
釋褐內侍伯遷文林郎內謁者監賜緋魚袋轉朝議郎內
給事上柱國特加朝散大夫更名常楷擢授內常侍脩功
德夫積善之家其後必大故長兄嘉賓黃州別駕贈大理
少卿仲兄知古故開府儀同三司魏國公公與開府宣力
王家首冠貂璫腰垂銀艾便繁禁闥炳燿聯華四紀于茲
亦云盛矣貞元五年七月二十三日卒于廣化里之私第
享年六十一明年十二月五日葬于涇陽縣高平原先塋
之側次亡兄之兆蓋不違親而得族葬之制也夫人魏郡

御氏祔焉用周公之典也初開府當肅宗朝以直諫忤旨
配流費州及代宗踐祚公屢建勲伐密勿之際陳懇友于
即日詔追仍復官爵既至矣特上封章請割衣食之費闕
於涇陽縣卜爽塏之地建立伽藍上報皇慈覆燾之恩次
展天屬怙恃之功優詔嘉許錫名曰寶應衆善計費維億
繫公定是職君子曰開府創之公能就之豈非忠於國孝
於家嗚呼吾見夫二公報主之心昭矣顯親之道終矣異
時歲或大侵人有菜色公常設粥以食餓殍斯不曰仁乎
公植性慈惠尤深象教靡茹輦血務施緇徒斯不曰善乎
故歸全之日恍如先知乃召群子載授理命尸坐自若奄
然而終談者以爲報施明徵矣有子良斌朝議郎前行原

王府錄事參軍上柱國賜緋魚袋克奉前脩雅有令問進
可事國退可幹家先公而亡矣猶子正議大夫行彭王府
諮議系朝議大夫內侍省內給事上柱國充慶州監軍榮
義朝議郎行內典引上柱國僧法律等奉引進之恩深泣
血之感竈窳衰送必處必信以邵嘗備史官見託銘述蓋
春秋褒善之義敢不承之銘曰

兵諫雖忠不可以訓賦詩對心

一作而對

亦奚足徇猗哉孫公

不緇不磷以道而退以禮而進據實去華履剛能順策名
四后克昭忠盡宣諭反側以安觀釁悖叛是殘廼和獫狁
廼復天倫忠焉孝焉家邦必聞移病歸體從吾所尚道心
中接塵世祿積喪之歸真不嬰無妄高平之原于以下慕

後人與歸觀銘是諒

內侍省內侍焦希望神道碑

吳通微

春秋以立功於時謂之不朽釋氏以不住於相至乎無生
善時者勲業存離相者往來一以是居世其至人之蘊耶
維夫事上以忠脩身以道竭節於盛明之代遺情於罷祿
之間通乎大觀與物始終建先脩之所為順理之期光昭
前聞有若左神威軍中護軍焦公兼柱國公名希望字舊
史稱周武王尅殷紂封神農之後於焦至武王孫康王生
子曰文手中有畫如焦字之數又以封焉爰初塔土實居
峽服裊國入于焦因從平陽遂命為氏其間允文允武或
哲或謀代不乏賢可得而略厥後成以官族寓籍于京兆

府之涇陽公之系緒。今縣人也。曾祖諱躍。太宗撥亂。常從征遼。拜絳州鳳庭府果毅都尉。祖諱法。滿克踐儒行。累遷至朝散大夫。絳州司馬。皇考諱孝。憬佩服仁義。不交世祿。積德之慶。鍾美於公公。凝靈純粹。秉志剛實。耿介不群。風標自遠。清襟朗察。萬象無所隱其情。見性圓明。衆辨不得礙其正。以言則窮其奧。得聖人之心。以行則用其中。合君子之度。年及弱冠。選侍彤闈。真松之姿。既呈於徑。寸層臺之峻。亦資於覆簣。守內府局。同正丞。以陝府元從。授承務郎。敬恭朝夕。恪守官次。忠信以奉上之道。禮義以周身之防。莊而能和。敏而有勇。故可以恭武。可以佐文。方圓適器。無入而不自得。今皇帝之在春宮。每加信任。泊正宸極。爰

獎貞純。於是朱紱斯皇。銀章有耀。公夙荷榮渥。茂茲寵光。便繁左右。密勿軒陛。事君不二志。守職惟一心。口無擇言。身無悔行。見義能勇。盡力忘勞。其衛主也。有匪躬之節。鑾輿既復。上懿其誠。除給事。同正。賜金印紫綬。益見親重。乃命監射生軍事。貞元五年。詔以射生軍為神威軍。加內侍常同正。兼謁者。監賜上柱國。餘如故。公訓整戎務。練達武經。舉傑雋。懋勲實。瞻財用。協師徒。我車既堅。我馬斯服。至若郊廟之事。文衛之儀。材官毅騎。林植鱗次。若離若合者。固足以耀皇威。而振國容矣。十二年。制加中護軍。累遷內侍省內侍。同正。兼內常侍。公受委愈重。執心愈恭。守直無隱。盡忠在公。理軍如家。正身率下。上所甚信。咸感悅之。爰

廣禧軍肇建新宇叶比衆志化成厥列布之以署爰峻壁
周講藝有館公食有堂既庶既繁兮樂且康爲輪爲奩兮
耀華章迴六龍之日馭降萬乘之天光以末代垂則威宣
上方者也至乃公離諸見性符道源以明誠弘大覺之因
以清靜脩有爲之事動靜無閑喧寂一如不牽外緣不滯
禪想以之則真固幹時仁者悅其仁義者服其義嘗事上
則忠信行已以蒞職謂無上法寶諸佛之心自達磨東來
實爲教祖公了見真性玄契度門乃於軍士建立精舍上
以奉國下以利人皇上御大明以燭幽發惠日以垂照廣
一乘之妙旨輔萬物之自然及公上奏乃賜額曰真元達
磨傳法之院表正知也每從容而嘆曰性無生滅物有

終本乎天者爲昭明親乎地者爲委順是以遺生死外形
骸感冬夜之詩歸於其室備歲時之制允叶前經信所謂
知命不憂達生之情者矣乃建先脩塔於涇陽之縣東南

焦劉渡之西公之故夫人李氏浮圖域中龜謀協從集

鴈作影連屬支提鬱起像法恒存吾將老焉可以無累經言

諸相常寂公之志歟剛子朝榮等克稟趨庭之訓無虧立
身之道以是有後人咸曰休哉惟公之內誠既率乎天至
公之玄達載光乎法器宜乎承睿睠協師貞紀嘉績茂休
聲保黃中之元吉惕塵外之高情既得瑕丘之地先開張
禹之塋仁之報兮壽未極攢可材兮躬所植表全美於真
珉俾後生而作則銘曰

萬物芸芸孰見其真修心踐言實惟哲人猗歟護軍與道
為隣率性居正資忠事君澄心止水勵節貞筠行有枝葉
道無緇磷其動以直克廣厥勲及新營宇載肅鈞陳衆服
其誠上嘉其勤朝章允集睿睠逾殷處貴尚謙秉志惟純
清虛應物恬曠怡神法本無生有非吾身靜觀其復視喪
猶塵委順于何涇川之津鴈塔先啓區中了人爰植爰脩
以躬以親洪流不竭法壽長春表石垂芳千年日新

校正九十一字

六月廿八日雨窓展卷

文苑英華卷第九百三十一

文苑英華卷第九百三十二

碑八十九

宦官下

內侍彭獻忠碑一首

內侍仇士良碑一首

內侍護軍中尉彭獻忠神道碑

張仲素

弘璧之在御府也韞連城之價所以為寶景雲之見慶霄
也麗捧日之彩所以為瑞大臣之居崇列也處近君之任
所以為貴况復侍軒墀之密地護禁衛之雄軍昭彰茂功
回復介祉終始一德未垂清名者哉侯誰能之見於彭公
矣公諱獻忠字琦夫彭為商諸侯以國表姓至漢大司馬
宣有遠績盛烈書於班史至孫業避漢末之亂寓居隴西

襄武縣因地方望傳諸歷代隍中隴上推為右族派緒綿
遠冠蓋蟬聯貴任漸繁乃祔咸鎬今為京兆三原人也烈
考諱令俊皇朝儀郎行內侍省內謁者監保安福履弘闡
義訓鍾慶濟美傳於蓋臣公善下寬中蹈方守直竹箭有
筠而可比城府無迹而自深以處肅恭懿承大君以仁孝
清儉績前烈建中三年入侍宮殿德宗皇帝嘉其敏厚器
任異等便蕃於帷幄之內承奉於指顧之間言必有章動
皆由禮貞元三年授內府局丞授官局令六年四年授內謁者監七年授
朝散大夫清階命服所以馭貴白珪無玷赤紱斯皇自天
之渥澤方深漸陸之羽儀始就十一年授朝請大夫周旋
密勿猷納端亮孔光問樹而不對石慶數馬而後言以公

方之今古何遠十六年特加金紫所以懋其勤而昭其美
也二十年加正議大夫內侍省內侍仍賜上柱國充教坊
使位愈高而接物愈敬恩益厚而處躬益卑故能行與福
隨動將吉會當德宗仙馭上升順宗宅憂諒闇公以貞固
服勞之節宜承衛翊戴之忠嘉績愜誠可書竹帛皇上御
極拱侍穆清疇其功庸疏以爵土元和元年封襄武縣開
國男食邑三百戶充飛龍使二年加忠武將軍右武衛將
軍三年授左神策軍副使加雲麾將軍馭衆之才著于倅
一作理賜祭戟戶耀其高門所以旌其勲表其貴也其年
奉詔充淄青道宣慰使六年遷知內侍省事充弓箭庫使
六年充惠昭太子監護使祗事既畢加冠軍火將軍至十

月遷左領軍衛大將軍知內侍省事充左神策軍護軍中
即將兼左街坊德使十二年春以勤瘁遘疾上章請告宸
睠屬賴令卧護陳讓懇切累至再三動于天心方始得謝
二月乙巳薨于翊善里之私第享年五十二聖皇軫悼輟
膳興歎追念勲舊賻襚加等贈開府儀同三司左武衛上
將軍所以錄其勞而飾其終也官司職喪僚吏襄事卜窆
窆窆圖其永安以十月十四日葬于萬年縣鳳棲原祔從
先域之松楸禮也惟公爰自弱冠暨于知命奉職三朝殫
竭一心掌繁領重樹勲宣力操濯仁義發揮心靈斯所謂
奉上之心閨門就養承順著聞及丁艱棘勺飲不進毀瘠
過禮宗族感傷斯所謂因心之孝踐歷禁省榮耀貂璫冠

軍護戎在帝左右飲冰持操鑒水潔身侈泰是懲燠灼自
息寘與道契儉而全貞生不務於家為歿仍規其薄塋斯
所謂立志之本探賸精微講貫學藝周勃引強之能有而
不恃孫武用奇之術知而罕論斯所謂遊藝之方綜事呈
才仰奉睿旨允釐樂府韶夏是司演嶰谷之正聲絕齊竽
之濫吹解署增煥絲桐載和去而借留上叶宸聽既臨馬
政一日必修用奚官訓一作馴騶之法整穆王八駿馬阜及
董武庫程範庶工弦木砥金罔不犀利斯所謂蒞官之敬
嘗馳星貂撫慰交海郵岱之域風宣露濡戎臣列校蹈舞
感抃斯所謂御命之功萬旅雲屯屹為親衛加拜中尉統
茲六年夜護繚垣曉趨丹陛陰助神武制外自中獎善任

林動必詢衆廣修廩庾瞻食能罷符伍有倫禮樂是闕咸
使夫既勇且毅並務於移孝爲忠至於別部支兵邊陲縣
內拊循訓整不犯秋毫聞公之歿如喪親戚斯所謂護軍
之畧宜其享之遐福錫以末年蒼蒼難謀不至者壽夫人
長樂郡君馮氏端懿柔明慈和婉孌一作母儀婦德淑慎
是彰自晝哭之罹凶乃明心而習靜落髮壞服從哀節空
元和十二年三月十五日出家受戒特勅正度仍錫法名
正智賜居義陽寺所以遂弘誓而資幽福也嗣子希倩次
子給事即行內侍省奚官局丞員外置同正員希昭次子
正議大夫行內侍省員外置同正員上柱國賜紫金魚袋
希貞次子正議大夫內侍省內侍員外置同正員上柱國

賜紫金魚袋希晟次子希冕次子希慶芝蘭滿庭組綬相
映茶蓼如戚線縻麻儼然哭泣之哀慕深先遠蒸夷之紀思
烈舊勲樂樂貴臣匍匐上請詞臣奉詔傳信揚芳焯叙德
善求垂琬琰銘曰帝在法宮下臨八荒外倚輔弼內憑忠
良奕奕彭公蘊義含章左右軒陛言端行方夙夜孔勤貌
緜是職丹青侍從黃道引翼深承寵渥克茂勲力寒玉侔
清朱絲表直厚德多恕明誠不回決雲利器構厦長林北
落謝疾束榮報哀思加法賻官贈儀台祖載之辰清川曉
涉淒鏘船挽搖曳旌旻新阡舊城龜從筮協原即鳳棲封
如馬鬣紹績之馨子貴家榮繼孝嗣恪宣功保名纂篆金
石琢磨堅貞用播徽烈將來作程

內侍省監楚國公仇士良神道碑

鄭薰

運巨壑者必資帆楫之便以鼓其波濤築廣厦者必堅柱石之材以完其結構一作棟宇是故明王聖帝立國保家莫不求竭忠宣力之臣配帆楫柱石之用懋崇基業弘濟艱難百代通規千載相遇孰稱全德其故開府儀同三司內侍監致仕楚國仇公平公諱士良字匡美海豐興寧人也宋大夫牧以忠烈正直書於春秋公實其裔焉其後香以文雅仕於東漢儒以議論貴乎比燕蟬聯珪冕輝映簡冊代著奇節率多令人史編家譜一二詳焉疑顯公之曾考皇朝正議大夫內給事賜緋魚袋諱上客府君忠昭事任績茂聲猷躬行正途克嗣先業烈祖皇朝議大夫內常侍賜紫

金魚袋諱奉詮府君名以才彰功由道著王氏教讓義之已行于公高門定國方大皇考諱文晟府君精持貞廉高挹塵俗位以命屈慶因善餘厥惟楚公克振勲德追贈持進左監門衛將軍賜紫金魚袋申公之誠孝也公年未弱冠入仕東朝是時憲宗皇帝主噐承華體元儲兩親奉拜飯共歡九齡助登少海之瀾更闡前星之耀未貞十年授掖庭局宮教博士賜緋魚袋元和初以舊恩本固新渥彌隆既頒侍從之勤首舉罷遷之命加宣徽供奉官賜紫金魚袋檢身極敬奉輦施勞勵自牧於摛謙表無私於應對閏六月轉朝散大夫內侍省內給事宣徽供奉官如故材力彰於省局周旋美於禁闈驟議甄升更加命秩冬十月

拜內侍常餘如故未周星紀三歷顯途既洽謳謠且明恩澤彼虞卿再見爲趙上卿荀爽九旬登漢三事允膺時議彼或多慙三年以本官充內外五坊使尋或擬遷宣徽供奉官發彼五犯輔驕虞之仁化殪此大兕誅吉日於春蒐外撫一作按之暴橫一作野自稍中綏一作野之井閭知感十年加大中大夫內侍省內常侍尋以本官充平盧軍監軍使全齊舊壤繼代邀恩甲兵甚充貢賦不入公聞其叛換諭以忠貞爰革非心幾至效順明年詔徵又以內侍依前宣徽供奉官吳寇據淮天兵在野逗遛不進沮敗爲憂揀求使臣往諭中旨遂命公以本官及職充淮西行營宣慰使至則大布皇澤益勵軍威四遠瞻風萬夫振氣而又盡得機要

既還奏聞竟至成功斯爲顯效十五年遷雲麾將軍右監門衛將軍充內外五坊使仍賜上柱國又進封南安縣開國男食邑三百戶驅獸而無害五穀充庖而有事三田蕙圃蘭塘落飛駐走助開二面之網勤施一目之羅鄙長揚之大誇胡人笑上林之務矜楚使條令既肅巡遊盡歡其冬復加冠軍大將軍長慶初罷五坊使以本縣進封開國子尋進侯爵食邑一千戶宣徽供奉官皆如故二年除鳳翔監軍使又進封開國公食邑一千五百戶置父雋疆繆公遺政郡邑則武安留守扶風則馬謨擅名雜於版屋之郊號爲難治之俗公攬轡即路下車撫戎三軍畏威百姓懷惠寶歷二年徵此無字復爲宣徽供奉官以本爵進封郡

公食邑二千戶尋除鄂岳監軍使傍連荆楚南接湖湘閭閻皆土著之安貨具有山積之富兵不堅利人皆惰游公深贊訓齊同爲勗勉知方有勇自我而能鼓疑大和元年入爲宣徽供奉官轉內坊典內侍省秩清事簡優逸自娛莫展長才鬱于群論俄拜右神策軍副使公於是端肅以貳戎政廉讓以播軍聲屏衛益嚴暴悍知禁二年擢爲右領軍衛將軍內外五坊使講事一時農不易穡選徒百隊人不告勞鮮扁而布青林行事而無遺衣無此法蒐彌新規指顧之間莫非盡善六年真拜內侍知省事餘如故明年轉大盈庫領染坊依前知省事恩澤浹於寰瀛寵賜周於藩服綺羅萬段錦綉千筐每極珍華曾無濫

惡又玄黃朱紫染彩文章靡不精鮮悉中程度以賞龍陟于飛龍使本官並仍舊御閑二六天驥三千異骨峯生深結溝洫溢親習盡馳驅之妙群分多馭駿之奇芻秣尤精藁和常美九年五月拜左神策軍中尉兼左街功德使將軍知省事如故練達戎機惣親護禁典理瓜牙之衛左右心替之師寬不喪威簡不曠務氣勵熊羆之勇手持虎豹之龍誦恩由忠深士以誠感張孺駮乘孝宣乃安趙喜喜宿衛顯宗加厚轉左驍衛將軍餘如故旣而鄭注延擬妖李訓附會列奏僞瑞固邀鑿輿圖害腹心漸逞姦毒公先機立斷禁旅遽齊坐遏克渠保護帝輦指名魁首俄頃追擒其餘躁競進取之徒枝連葉著之黨或志諧狂計罔自正身或跡

此頑童居然就禍莫不盡苞恢網同抵國章由是宗杜又
寧中外協睦非夫忠謀天假廣業神通其孰能如此乎及
於廟堂議功公在第一優詔特進本衛上將軍中尉知省
事如故位輕於德賞不配勲難許冲謙終昇峻級尋遷驃
騎大將軍開成五年加開府儀同三司左衛上將軍封楚
國公食邑三千戶食實封三千戶百頒恩常例非私受也會
昌元年又加食實封二百戶尋擢為觀軍容使兼統左右
三軍獎舊常議昭異渥也公每念禍伏福中祿為身累將
持盈滿莫過退休三年夏以寒暑內侵針鑿罕效因求散
秩用遂素懷乃除內侍監將軍知省事如故尋又連表陳
讓固辭恩榮優詔以本官致仕其年六月二十三日薨于

廣化里之私第享年六十有三嗚呼身隨運往名寄勲錄
一代推雄九原表傑天子悼之罷朝兩日贈揚州大都督
公弱冠以辨智取位強仕以幹蠱居官及蒞大政以機畧
致勲勞臻于貴壽以恬退保終始事在簡冊爵極天人出
入七朝顯揚三紀秩以功藝進道由忠直彰擊鞠廣場則
馳先百馬彎弧迴野則飛落雙雕故得侍娛遊則三領五
坊承顧問則八加供奉元和中盧從史倚上黨兵勁陰結
叛臣憲宗皇帝命護軍中尉吐突公統戎專征密勿神筭
誘至幕下縛送闕庭是時公適在軍助成丕績其或揚鑣
宣命電掃雷驚每播深恩親當橫陣兩河平殄頗預其功
雖不一一作是自矜實傳衆口而多才多藝強記博聞舉策盡

若應神明閱簿書無逃心目而又精鑒冠絕當時門館賓僚薦延功行必求明德用輔聖朝則有秉忠正之心荷匡贊之任才表王佐出爲國禎康濟群生輝華四海者矣然後知衛將軍七擊匈奴封侯九國崔驃騎六征絕塞列將八人特美高勲豈膺賢弼以今方古我德爲優以四年正一作月二十三日歸葬于萬年縣寧安鄉鳳棲原社季村夫人安定胡氏祔焉禮也夫人故開府儀同三司檢校太子賓客兼御史大夫贈戶部尚書承恩之女性得天才儀標冠族叶組紉之懿範彰圖史之貞規法度所以正家柔閑所以遵道泊祥開鳳兆德協鵲巢芳徽溢於閨闈則洽於姻族以公勲位俊重累封至魯國夫人壬戌歲先公而歿有男五人長宣徽使銀青光祿大夫行內侍省內給事賜紫金魚袋曰從廣次光祿大夫檢校散騎常侍持節曹州諸軍事守曹州刺史兼御史中丞上柱國南安縣開國公食邑一千五百戶曰亢宗次閤門使朝散大夫行內侍省內府局丞賜緋魚袋曰從源次邠寧監軍使中散大夫行內侍省內侍局丞賜緋魚袋曰從渭幼曰從湜皆稟訓過庭早通詩禮承恩入仕共効忠勤爲明庭之羽翰作私室之符瑞不忘素業自致青雲宜乎懿德有後信不誣矣大中紀號五年克平四裔東南欵化西北開疆三耀舒光八紘無事皇帝念功軫慮錄舊申恩惟楚公求真時祖宮有翼載之勞元和時宣徽有委遇之渥今則已悲封樹未

刻松銘乃命舉其殊庸勒在貞石用傳不朽昭示將來特
詔詞臣俾其選述其臣薰恐惶直叙不敢虛美謹為銘曰
仇氏之先本宋大夫就義輕死昭于冊書厥後聞人漢香
燕孺乃生楚公前修不渝其焯焯楚公俊義邁德克抱才
器必循典則天資忠孝神助正直高揭勲名幾摧姦匿其
從史負力潛通鎮郊上將授詔縛歸天朝楚公佐成衆不
敢搖東國大定塵氣自消其蔡寇不庭誅行原野群校傷
敗師無進者楚公銜命汗血波瀾貔貅鼓氣城壘連下其
注訓勃戾妖凌北宮和鑿在御狂稜來衝楚公奮臂甲士
趨風克殲巨孽乃建殊庸其五坊三居公畋有節宣徽八
入密議攸竭再監戎閫將校感悅一牧郊坰驛驛憂絕其
佐佑帝室手提禁師士伍胥附皇心勿疑持滿先誠居高
不危懸車告謝彭薛肩隨其駭起截颺哀纏逝水空留洪
烈未載青史精爽何之壯猷已矣京兆開阡壽堂在此其
仕承泰運歿偶昌期徽音不泯令嗣銜悲聖念旣勤爰斷
豐碑事功難究有覲色絲其川常不移松楸已列玄室雖
閉清風靡歇作皇代之英臣期終吉其今無絕其

校正七十四字

六月二十七日

文苑英華卷第九百三十二

文苑英華卷第九百三十二

文苑英華卷第九百三十二

九

文苑英華卷第九百三十三

碑九十神道

婦人上

高安長公主碑一首

涼國長公主碑一首

章懷太子良娣張氏碑一首

卽國長公主碑一首

昭容上官氏碑一首

延州豆盧使君萬泉縣主薛氏碑一首

高安長公主神道碑

蘇頌

維開元二年龍集攝提格夏五月哉生明高安長公主薨於長安永平里第享年六十有六嗚呼哀哉景申上發哀于暉政門設次舉聲報撥朝加等遣大鴻臚彭城侯劉和和持節齋書赴弔京兆尹攝大鴻臚鄧國公張暉司農少卿

李琇有司帥屬護喪文武五品已上會哭書不云敦族至
于九以昭于百姓禮不云叙親居其一以統於萬人此所
以追有虞而化天下感配陳而慟宸極復以爲素析誅行
彤管區風司常罕留執史多紊乃制銀青光祿大夫行紫
微侍郎兼知制誥上柱國許國公蘇頌爲銘刻石臣頌不
敏颺言拜命云長公主諱某字某隴西狄道人高祖神堯
皇帝之曾孫太宗文武聖皇帝之孫高宗天皇大帝之第
二女中宗孝和皇帝之姑疑作妹也太上皇之妹開元神武
皇帝之姑也昔軒后修德高陽任而豫之虞姬邁德伯陽
冲而用之故先王會昌而王者興前聖受命而聖人作自
風偃三代刑清百年揚耿元於祖宗紹期運於神武上以

比崇於黃軒至其道次以宗極於玄老施其教慶漸綿
恩周行葦重熙而累盛皇哉而唐哉公主承娣月之華分
女皇之耀閑和美度婉婉令德有循其禮無擇於言鑒圖
取則聞詩服義故可以賦絲緡而開湯沐者也於是曳紅
綬賜青圭香蒲玉鑪綵搖金縷允所謂帝乙歸妹以祉元
吉魯侯主婚是稱同姓始封宣城公主下嫁平王氏駙馬
都尉故潁州刺史贈右監門將軍太原王府君諱聶字遂
古右監門將軍平舒公之孫歙州司馬之子自周儲洛濱
之契秦將頻陽之業門昌帝緒家累天姻徵平叔之才貌
得孟孫之閥閱亦既覲止展也令儀成其肅雍率由俊彩
至盥漱櫛縱笄總衣紳箴管刀礪線纒繁縠若此者敬而

持之動必於是則其餘可重也天授中聖后從權革命駙
馬非罪嬰酷公主復歸于後庭凡九十甲子口不入辛味
耳不聆曼音體逾尚柔言靡敵怨運觀心之智察摩頂之
神豈寂以幽通將虛而信受有菩薩現前者數四居每竒
之中宗禹物不改漢儀初復乃命宗正卿李珍冊拜宣城
長公主食實封一千戶并置府僚比侯王之封齊令丞之
秩太皇御極又增五百戶改封於高安且重永康之冊允
符長廣之拜今上握圖又通前加至二千戶尚於德先於
親也公主頃歲奉嘗覩高宗畫像雖光靈在天而見似日
瞿感咽于地遂成心疾至使名醫萃止御藥相望孝焉而
終仁則何輔嗚呼哀哉富貴乃驕奢之資不期而至吉凶

乃盛衰之象不召而成况泰忘約吝生動寵怙權邪醜正
知得而不知喪知存而不知亡嘗歷觀之孰矣由是黃金
象牙明珠翠羽之飾積於外雕文刻鏤衣紈履絲之巧充
於內然後堅車良馬漿酒藿肉吹笙竽學歌舞於其間者
殊不知以相強而結禍因自恣而招危魯元所以好過度
竇太所以縱踰禮鄂邑所以黷抵罪湖陽所以匿犯法館
陶所以求不獲昭平所以免河上二字疑埒開印臯胤子孰
聞田在漢京權臣所奪吁可長嘆息者矣我長公主則不
然避榮守靜退藏於密端操正色進寡其亂辭為皇女焉為
皇妹焉為皇姑焉非不貴也能戒盈忌滿智崇禮卑儉德
之恭讓德之益主無攸遂不專也勤無告勞不匱也宜於

秋犢以助宗人率彼春蠶以從王后則未嘗忽諸猶深悟
 色空大依禪惠觀我生之進退究人事之終始蓋泡夢之
 為喻也乃散以檀那離於染着景雲歲請罷賦邑蠲屬官
 遂沉冥從省曠書上而制為之嗚呼身後意餘道之微者
 古有女儀嬪則焉或孟母之勸學敬姜之知禮仲妻之辟
 相惠婦之光夫然出於素族書之緹史未有居高蓋下託
 体至尊如長主之儔矣故能九師讓能三子聞教自我之
 出與時偕行知微知彰不諂不黷長曰晞銀青光祿大夫
 大僕少卿仲曰暉朝請大夫衛尉少卿季曰暕尚舍奉御
 並欲報岡極柔貌棘心哀以送之龜從筮吉粵其年八月
 朔十七日塋于咸陽之北原禮也落月過半秋陽浸微清
 笳凝兮朔風斷丹旄列兮秋雲飛望槐里而西馳去荻園
 而北顧視牽牛兮像設過飲龍兮徑度闔闔窳窳遠羸女
 之樓臺松栢陰烟近漢皇之陵墓其詞曰

赫赫上帝臨于巨唐卜年萬倍誕睿興王何彼穠矣休其
 有元亦既從夫車服不繫亦云主婦蘋蘩以祭在貴能約
 終温且惠樂只君子曾不末年未亡之人歸於九天心以
 理遺身以義全光于累聖受于明命伯嬈延暉皇姑襲慶
 鑿以損益辭其滿盛我有空言宗于釋門不生不滅茲道
 存存允之降靈西反其魂詠清淺兮天之際憶瀟湘兮日
 已逝登寒山兮見超忽生秋草兮坐蕪沒金為字兮琬為
 碑永貞芳兮實在斯

文苑英華

涼國長公主神道碑

前人

乾坤既分，彖象攸配。變則成女，終於歸妹。惟長公主諱某，字某，我興家邦，天錫宗社。昌運及五，聖真享鴻名。聖期至六，神武膺駭命。網緼構極，倬彼雲漢。的瀝垂春華，如桃李順顏承志。約禮知節，得繭館從蠶之儀。採公宮習之藝，載疇湯沐爰賦井田。其創也與多於仙源，其徒也稱長於涼國。故丞相虞公太源溫彥博曾孫曦台揆門閥風流儒雅，僉諧是圖。歷選伊尚君子至止，碩人其頤。協時之吉，備典之實。雜珮明璫，裝衣錦裳。熒熒煌煌，和詳有芳。居廻暎以虹倚，動群超而翠翔。媛成蕭雍，侯守祿位。貴則能降降而不驕，勞而在勤勤則不匱。示嘗有也。皇嘉之而謂曰：台知以樂變乎風，揮五絃之盡美。觀萬物之從令，欲同聽乃親。故特一作傳汝公主清揚神潔，妙指心閑。猶白雪之詞，寔通則應。類青谿之曲，多領悟皆賞。初榮賜以得後，誠盈而散恩過魯元王。豈上邑寵逾竇太常，疑豈臨山每絕館陶之祈。自無昭平之贖，粹溫而敏靜好而詳。以北渚之愁，苦何西方之聖。如是大脩圓果，深入至空。竟而瑤草淪霜，桂枝辭月。開元十二載八月辛巳，遇疾薨於京師。永嘉里第享年三十八。嗚呼哀哉！上徹懸久，悼臨次增涕。京尹護喪，群司藏事。其年仲冬壬午，陪塋于橋陵。生資敬愛，歿效克奉。蕭史樓中鳳音何望，軒轅臺下龍得仍攀。子西華等扶杖而立，茹荼以泣。赴賓憫默，觀者慘容。翰林酸嘶，又昭乎

以樂變乎風，揮五絃之盡美。觀萬物之從令，欲同聽乃親。故特一作傳汝公主清揚神潔，妙指心閑。猶白雪之詞，寔通則應。類青谿之曲，多領悟皆賞。初榮賜以得後，誠盈而散恩過魯元王。豈上邑寵逾竇太常，疑豈臨山每絕館陶之祈。自無昭平之贖，粹溫而敏靜好而詳。以北渚之愁，苦何西方之聖。如是大脩圓果，深入至空。竟而瑤草淪霜，桂枝辭月。開元十二載八月辛巳，遇疾薨於京師。永嘉里第享年三十八。嗚呼哀哉！上徹懸久，悼臨次增涕。京尹護喪，群司藏事。其年仲冬壬午，陪塋于橋陵。生資敬愛，歿效克奉。蕭史樓中鳳音何望，軒轅臺下龍得仍攀。子西華等扶杖而立，茹荼以泣。赴賓憫默，觀者慘容。翰林酸嘶，又昭乎

遺風雖著縑簡垂厥後代諒憑刊刻豐碑詔立層祀親紆
捧戴則奔馳四靈光華則迴薄七耀明山可轉况連於鏡
盜玄團惟積重錯於琅玕俾銅鏤之湮沉由寶書而飛動
禮臣不佞敢作銘曰

天其有章銀漢玉潢我則有祥霄明燭光柔祗不忒芳問
允塞何彼穠矣其儀是則鳳凰于飛公子同歸琴瑟在御
德音莫遠何沉寥之素秋兮獨杳杳之玄夜何聞忽之誰
忍兮痛明靈之不借清霜晶月楚挽將發流吹結雲秦聲
不聞惟聖皇兮固金石噫長主兮森松栢榮以悼之兮長
不斃

章懷太子良娣張氏神道碑

前人

維蘭有香惟玉有璋可吉其夢可勞一作其弄故稟離成
女祥歸太子之家有震為男業盛天人之邇因以貴者德
其全與我唐章懷太子有良娣曰南陽張氏之子也沛王
守禮之母也初章懷封於雍良娣選以入後章懷謫于邑
良娣隨而邁邠王錫玄社建黃扉良娣坐華茵驅香轂雖
逶迤失於借老而契闊存乎與成始十四奉吾夫逮笄年
而轉茂終六十四遠吾子當卦數而同極非婉婉淑貞之
則含章尚柔之令孰臻於此矣若乃畫堂清兮羅幕薰匱
照曜兮結氛氳杲杲之日英英之雲蓋良娣之才之美是
效是則潔素罔捐於篋煇彤益照於管嫿顏不競徽範自
持處獨藹如顧儔芬若施于積善觀從梁駟馬之藩貽厥

累仁傳相漢七貂之緒隨上儀同甘泉府別將嚴之曾孫侍御史睦州刺史詳一作之孫朝議即行貴州都督府始

安縣令明之女也曾構鬱起昌瀾遠激去遷南國候西鄂

之豐碑來應東朝署西京之戚里不然何謂釐爾女士從

以孫子疑袂之良乎及母儀可宗臣執伊勵師以儉約戒

於盈蕩洛濱無祓除之事涇上無粲美之物衣錦褻裳寧

吾所好擊鍾舛食唯爾之競競俾吾王忠肅恭懿既明且哲

志於道者本於教也粵景龍二載孟夏之月遣疾棄養於

京廷康第之寢泊景雲光華春雨自葉睦於我則先受九

族慈於王則每深十起求其錫類衆悅以人礼物朝遣使

臣廷命金紫光祿大夫行鴻臚卿趙承恩銀青光祿大夫

尚書左丞元暉持節冊贈曰章懷皇太子良娣祔于陵邑

禮也嗚呼山疑鶴駕地即烏號太子賓帝之餘高宗在天

之所衣冠道德密近屬於陪乘光表闕坐殊遠嫌於好內

又典地司空邠王守禮幼承法度長被暉光九仞之堂咸

疑曾氏而逾蹙萬家之域小韓王之不綱所以傍彫翠琰

代奏丹墀天子孝理之風已周於品物孝思之德况及於

兄弟乃勅禮部尚書蘇頌採詢詢為言由是稽舊聞討前訓

位不之易祿不之重而莫顧者鄭勝疑之足稱也信不負

之心義不虛事而竟死者越嬪之可徵也或彰君之隱過

或徇已之微直曷如有始有卒知柔知剛艱虞則持操服

勤富貴則竭誠循禮夫詮一行者尚紀圖書懼疑三從者

勤富貴則竭誠循禮夫詮一行者尚紀圖書懼疑三從者

豈遺刑刻其銘曰

天祚有唐於昭烈光兮土分五色作我藩國兮雷震百里
惟皇元子元子伊何匪淑不娒厥娒伊何終温且惠挂宮
甲觀之聲迹竹苑平臺之往昔車已折兮我未召疑昇其
新兮子為王子既王兮我為太殷聖造兮沐嘉會歲不與
兮時迅奔華榱壞兮託寢園闔闔崇於上京松栢被於長
原子哀哀兮篆碑於是親永永兮歿代如存

鄆國長公主神道碑

張說

臣聞堯有娥英承九族之敦叙舜有霄燭動百里之光耀
大聖之後天必縱之積善之家神所慶矣豈惟上帝之女
雲漢為靈平王之孫肅雍其德達華前志代有其人皇唐

鄆國長公主者睿宗之第七女也母曰崔貴集作國妃構

聖而成門合濟美而為室蘊乾坤之純粹演日月之清明
神媛誕靈常言所絕免懷之歲天奪聖善不食三日哀此

成人文母流胎教之慈曾子得生知之孝由是宮闈延矚
邦國遠聞及乎玉笄耀首油駢疑作駢在馭錫之美地邑以

荆山求之令族嬪于薛氏爾其居玩圖史動循集作修法度
服其澆濯恭儉之教興鼓其琴瑟集作禮讓之風被其行

已也安親惠下之謂仁敬宗好合之謂義降貴接卑之謂
礼恕情周物之謂智推心而行罔不該備其礼家也視膳

饗饋之均和主饋醴醢之品齊絲竹七音之徽靡纂組九
華之擗麗經目所涉罔不精研集作莫不精詣每至三元上賀三

口中參進對詳華折旋舒婉故以式瞻貴里儀範通門如
千花之泛惠風百卉之涵膏露窈窕之儀克冬繁衍之福

大來有男子四女子五瑤碧生階芝蘭滿室也習禮明詩

日漸閨庭集作庭之訓銀章艾綬地連恩澤之候集作候自先朝徹

展之辰迄公主成笄之日外除過制內疾集作疾餘哀手寫

金字梵經三部躬綉綵線佛象二鋪貝葉真偈現心相於

銀鈎蓮花妙容呈意生於玉指孝思惟則道遠乎哉開元

繼明恩由已進封卽國長公主食邑一千二百戶田賦廣

而弥儉禮秩尊而益恭其後君子晨歌夫人晝哀集作未

亡為稱生意盡矣撫視遺孤將守栢舟之誓志祈荆落求

從禁苑之遊朝制斷恩改降鄭氏陵谷可易集作移隨和之

德不味寒暑有遷松竹集作竹之性如一均養七子麻蔭三

宗汾陰之室忘亡集作宗陽之黨相慶既而善福虛應寢疾弥

留盡國之伎遠方畢至供御府之藥中使相望命之必至

不可支也堂邑山林忽焉瘁色平陽歌舞適足愁人開元

十三年二月庚午薨于河南縣之修業里春秋三十有七

震悼紫庭哀傷朱印傾家若墜舉國同悲有詔光祿卿孟

溫禮監護喪塋京兆尹能延休副焉窀穸之禮一如涼國

長公主故事夏四月恩旨陪塋于橋陵不柎不從古之道

也皇上念同氣之致美感閩川之未謝恨棣華之半缺悲

瑤草之先化乃命國史昭銘懿迹降恩禮於雲露寫哀詞

於金石水非湘渚還起帝子之詞山是洛陽即封天妹之

集無少
字疑

塚銘曰帝系白雲仙源紫氣漲家成國承天作貴赫赫聖
祖曰文曰武皇皇睿宗一變萬邦挺生淑媛慈和孝恭清
臚如神娥眉無雙即弟立官湯沐建封年集作及笄總禮
施環珮鳴鳳獻祥乘龍擇對帝唐降女天乙歸妹珠玉過
庭蘋繁正內蛟門早聞龍湖忽上無地何載無天何仰金
殿書經華絲綉像欲報之德昊天罔極孰是言歸良人未
遑銀鑪烟斷羅幕霜飛懇願毀形託身壞衣不諒人只改
嬪他士稟命曰從從夫集作曰順息媿繩楚懷羸霜霜晉友
經合權與道同韻煥休二室均歡等潤四海謚清九族和
平萬物向榮衆離未成心戀盛明形隨落英祖載昇城歸
窆集作咸京挽歌敬聲因簿凶行哀哀聖情惻惻同生橋

山片石千秋令名

昭容上官氏碑銘

前人齊公叙不錄

天降時雨山川出雲乃生靈媛祚我聖君精微其道煥炳
其文三光錯行昭容綱紀百揆繁會昭容條理外圖邦正
內諗天子憂在進賢思皇集作多士忠孝必集作感天焉
報之吉凶有數丘焉禱之如彼九日拜焉報之如彼三良
秦焉悼之漢宮選材班氏其特楚史書霸樊妹之力或穆
齊公叙明其德嗟爾彤管是鑒是則

廷州豆盧使君萬泉縣主薛氏神道碑 前人

或稱達性命者齊生死之域或遠憂怖者一脩短之數斯蓋
無心之倫耳焉足與議於精哉何則雲虹滅彩集作辭人

於是誅謠華秀從風君子為之歎息豈不以對仙麗之景
懷變化而遺恋在昭昭茶集作之節悼零落而偏憤吾見豆

盧氏之子於其伉儷有焉縣主諱字姓薛氏河東汾陰人
大父駙馬都尉奉宸將軍諱集作尚城陽公主考駙馬

都尉散騎常侍諱紹尚鎮國太平公主其在昔也夏有車
正先封周有薛侯事長其在今也五宗姻於帝室集作重

葉母於王姬河水經天上積星辰之氣霍山鎮地下多珠
玉之林縣主幼而敏惠長而洵淑貞孝義烈之傳吉凶賓

祭之儀一聞成誦紘縱糾組之制清毛醞羞之品一見懸
解至乃鶴迴清泛回蠶聚崩雲月韻集作砧花穠綵樹婦

人能事咸臻妙焉大聖天后鍊石補天有王母之神器分
茅列地啟弄孫之美邑封由集作有禮義引而親天授三

年四月內封萬泉縣主天愛下流日新集作上簡乘龍之
舉和鳳為難絡八紘紘以選門奄千官而求俊夫以龍圖帝

寶析步搖之華源虎戟侯門襲燕京集作之雄胃人之信
美帝用嘉焉以萬歲登封元年仲春既望歸於豆盧氏六

宮送行百寮供事迺以鑾輅遺以翟車環珮冕旒珍然在
馭黼藻朱黛爛其盈門詔昏之禮於斯為盛爾乃移其愛

敬以事舅姑伸其友恭以諸公妹舉宗洽比如鼓琴瑟每
至婚姻會同少長咸集瓊璜節步金翠耀首有婉孌之心

無驕矜之色睇眇眇者若遲日之泛漣漪瞻詞氣者猶光
風之轉蘅薄集作加以引納懷和饋分周賑踈屬自附窮

歸忘寤故蘭行彰信於閨門而蕙風滿盈於邦國諒惟琬
琰之性自美柳亦劬勞之訓致焉中宗孝和皇帝雲廻南
土龍見東京二儀更闢九族還叙望我兄弟兮公主贊陶鈞
之力曰吾甥也縣主開片邑之賦神龍元年春加實封三
百戶縣主既通濟門闈奉御又尚司殿省天子巡遊宮觀
觴樂池臺我有周親無時不從主家外幸比齊后而聯恩
子壻中叅與趙王而均禮或醉飽踰度寒燠未平何嘗不
御藥在門王人接路當時厚澤莫之尚也景龍四年二月
以奉御出為丹延二州刺史保傳下堂隨朱輪集作而同
去輜駟入郡與阜蓋而齊能辭宮闕兮集作歲闌戀庭闈
兮集作日遠肥泉永歎邪氣攻衷楚祝招而不來秦醫來

不及景雲元年八月二十一日頃逝於延州之廨舍春秋
二十有四美玉號顏明珠晦色平陽舊宇遂無望于歸寧
懷縣新文空流漣于未逝有子三人西華南容東里等或
亂或岐呱呱而泣天何以罰神其忍之冬十有二月五日
歸塋於長安之洪瀆原窀穸營護有命加等器服祖遺率
由舊章生之也禮若夫柔加嘉好洽合善之元也肅
雍降貴謙之道也山河其德容潤廣也熊羆其祥祚胤大
也惣衆美於修嫫落集作驕暉於小年此所以哀中之又
哀也昔袁亡馬氏蔡筆斯奮鄭喪曹姬潘文亦作矧茲內
範事華無愧砥望夫之石以表靈丘緝幼婦之辭將傳終
古銘曰

薛之皇祖胄軒國禹相陰侯周氏其土宇英英白雲鬱彼

河汾公門蕃衍銘昇氛氲則仁則義則威則勳餘慶介社

誕靈女士中宗之甥鎮國之子皎若集作如霜雪華如桃李

舜族爰叙堯封咸秩萬泉開賦三百其室集作實守盛以儉

居滿集作冲不溢亦既鳴鴈宜爾家人謙恭下下撫納親親

傾財致客對饁如賓我有邸第前臨黃道我有池塘却望

青草漢輦停暮秦簫拂早歲月易忘歡娛難保良人出守

將命北徂與子偕往飲別東都望母腸絕辭家淚枯露萎

莖草霜酸衆雛魂兮何歸京師集作光之野塋於何處杜陵

之下巖巖雙闕列列行櫛勒是徽音永集作以觀來者

文苑英華卷第九百三十三終六月廿八日校二百二十六字

文苑英華卷第九百三十四 碑九十一十一

婦人下

鄭國夫人碑一首 穎川郡太夫人陳氏碑一首

汾陽王妻霍國夫人王氏碑一首

谷夫人碑一首

鄭國夫人神道碑 張說

鄭國夫人者弘農楊氏之女也開元神武皇帝惠妃之母

也魯祖諱諶以禮樂習文為越州司馬祖衍以折衝學武

為游擊將軍父宏以門才入仕為雍縣丞而早卒初則天

之代夫人言歸武氏曰恒安郡王生惠妃及家令忠僕疑

大子僕信開元十年三月終於通化里其四月卜宅于少

陵原哀子銜血號旻仰訴怨報德之不待託思齊集作

永慕皇帝抱鑿殿之內憂悵鶴池之外慘揚淑聲而金石

刻揭高行而天地感國史司文命為鄭志若清明下濟岳

瀆上升集作祥惠德門慶育邦媛神授孝德集作之性天啓聰

達之心加以潤澤詩書游玩圖傳伯宗好直預誠集作將

亡重耳羈遊先稱集作必霸豈知漢廷章奏假借仲長之才周

官禮儀資稟宣父集作之學昌言嘉論有如此者螭首蟠

頰修眉橫波既工嘖嘆易為容止肅恭而不踣舒和而不

倨商周革命遇屯有怡懌之顏桑蘿傲如在貴無驕矜之

色端容一貌有如此者紘紼祭服闕翟朝衣纂組入神剪

制驚國雕胡之飯露葵之羹五齊六清三鸞七醢咸一見

而洞理或不習而知和女工中饋有如此者惠妃載誕

子在者四人驪泉多龍卮穴皆多鳳克岐克嶷預見元凱之

才實單實許早聞宵燭之艷亦關陰德之潛襲胎教之密

傳乎又名子以義成家以禮忠者以令德為忠信者以不

欺為信傳云去食存信信而有徵經云移孝為忠孝則不

匱周宗咸服集作紀季獨存至德深旨有如此者辟司徒

之妻邑其合禮南城侯之婦封其舊功况夫人集無慎徽

四德四德咸舉經綸二儀二儀克從匿武叔繼趙之勲產

姚承配夏之慶吹凱風於椒掖外王母於梧宮威德大業

窮光極寵集作啓國西鄰不亦宜乎十數年間二子榮立

每至四時令節六參嘉會魚軒照門龜艾一作艾一作交室為壽

每至四時令節六參嘉會魚軒照門龜艾一作艾一作交室為壽

則珠貝山積，侑幣則錦綺霞舒。集作 白玉滿堂，聚姻親而

同有。黃金作穴，散憐里而無餘。君子欽其市。集作 義聖人

嘉其實儉，故寢疾則飲食天厨。湯藥御府，匪日伊夕。上官

駱驛於閨庭，送終則威儀傾都。車騎暄日，自宮徂野。中使

相望於道路，哀榮之盛。書記罕聞，猗歟所謂小君之遺美。

聖善之高烈者也。如使後代考南史，議西陵披簡牘而嘆

息，臨山原而茫昧旌賁之道，不期闕而然。則外甥之碑武

擔之石，非明淑之壘，其何所設焉。辭成進御，帝稱曰善。顧

謂尚札我其書之。於是西翰黃縑，縷字青琬，雲橫波蹙，神

變艷爛於山門，鶴倚鸞翔，生氣宛延於松路，禮尊事絕，恩

崇迹遠，斯文玄德動天，幽誠迴日之奇致也。誰昔親見毛未

觀名言，莫逮銘曰：代有母德，厥氏楊兮。祖考為士，夫為王

兮。聖后中葉，愍萬方兮。天命未改，復歸唐兮。賢淑啓祊，繼

絕亡兮。宗周雖滅，神女昌兮。建號西鄭，榮舊鄉兮。魚軒翟

弗盛，寵光兮。二子雙飛，華綬章兮。朱輪魚廷，煒煌兮。集作

魚輪庭煒煌 去此昭昭，即茫茫兮。何處詔葬，少陵阜兮。貴妃

慈親，侯王舅兮。寒暑流易，山川久兮。古墳坡陀，老樹朽兮。

壽宮靈百代，守兮。頌石光華，千載後兮。

頌 頌川郡太夫人陳氏神道碑 前 前人

頌川郡太夫人者，諱某，字某，雷州大首領陳玄之女。羅州

大首領楊曆之妻，驃騎大將軍兼左驍騎大將軍魏國公

思勗之母也。陳氏家富甲兵，世奠嶠外。夫人誕靈豪右，淑

問幽閑六行天至不因師氏之學四德生知無待公宮之教原夫陳本媯水楊承赤泉九真為郡良吏集作史出守集作

乎中國五馬浮江僑人占守集作呼乎南海兩州接縣集作

門齊望卜妻鳴鳳擇對乘龍楊翁集作有聘玉之祥應姬

獲探金之慶魏翁弱冠昇仕鞠射禁闈正性本乎胎教剛

腸形乎義色神龍三年七集作六月五日北軍作難西華大

集作失守騎入宮壺丘纏御樓公孤劍凌鋒群凶奪氣倉卒

之際安危是屬既立殊常之勲遂蒙超次之命受銀青光

祿大夫上集作無上字柱國弘農縣公行內常侍其後改拜將

軍太夫人是加爵邑堂高九仞祿重萬鍾朝廷羨其揚名

州黨尊其遠聽夫人富而好儉貴而能勤身却錦綉手親

紡績公每昏定晨省夫人必誠之忠孝勤學文武常謂汝

口稱思勗當心念其義父母名之欲汝三思而勗勵也故

號公便習干戈漁獵書史致命伐罪擒叛徠於百越寫誠

誓衆破狂蠻於五溪闔子弟如使手足請風雷若應期契

聖朝答高秩於驟騎酬大封於號略豈非以辭弟之懇忠

誠斷織之明訓臣節立矣君恩厚矣子孝成矣母慈著矣

備此四者善孰加焉抑神道祐心而人倫興行詩曰母氏

聖善又曰宜爾子孫斯實穎川太君之有也享年若干開

元九年四月八日薨于長安之翊善里先公早世丘墳故

域古無合葬有禮一有其文二字從宜夫以體歸下地萬里豈殊

乎黃壤魂何不之雙棺幸同乎玄宅集作室以其年十一月

十六日招魂附葬于萬年縣龍首鄉神鹿里申孝子不忍
隔親之情也恩勅賜錢十萬絹布皆百段日碑忠厚漢武
知其母教馮勤罷貴世祖稱其母德克軫天情頗為連類
號公生盡其禮沒盡其哀嗟閱水之日逝悵藏山之夜徙
追鏤碑版遠賄圖傳烝烝至意有足感人慳慳信言故無
愧色銘曰

陳公舜後楊侯周裔去國何人南遷幾世鄰錄嶂表朱岸

海際兩族相高材集作雄兵銳荷歟邦媛儷茲國士友善

集作琴瑟華如桃李心契法度容和愜喜資敬從夫移忠

訓子嘉此令子南濱北歸于天鶴唳拔集作前鴻飛朱宮

退散敵銅柱來威國家安號龍魚軒程衣子封號略集作五公

前字母邑潁川三君舊土感激榮慶踟躕今古高堂夜空
吊客朝聚龍首山前前臨灞川招魂五嶺合塋三泉山山
丘墓樹樹風烟孝碑不滅茲墳未傳

汾陽王妻霍國夫人王氏神道碑 楊綰

鵲巢配德合好之義深象服建封寵光之至致極况動循法

度躬事蘋蘩揭四德而表儀高門秉一心而輔佐君子則

有夫人王氏有唐元輔汾陽王之伉儷本其盛族著於太

原高祖長諧皇左武衛大將軍秦州都督平原郡公贈荆

州大都督陪塋獻陵曾祖德玄銀青光祿大夫唐州刺史

祖士會河南府陸渾縣令父守一寧王府掾贈兗州大都

督或勲閥可稱或理行尤異積仁儲慶奕葉聯華夫人即

慈集作

充州府君之長女敏昭生知孝慈天性誕含柔範光起韶
儀親執組紉備詳孟史女宗之美燦然有光年既及笄禮
從納幣言告師氏歸于汾陽汾陽時寵祿未崇盛業猶晦
夫人循節儉之行服澣濯之衣祇事舅姑恪恭朝夕視庖
主饋未嘗假人下氣怡聲率由至性生既極其養歿又過
乎戚慎徽衆善敦叙六宗睦娣姒以仁接中表以義由是
閨門以穆婦道有聞天寶中汾陽分鎮河中策勲王府夫
人從夫之義封瑯琊縣君尋又進封太原郡君其後寇盜
橫厲風雲玄感汾陽乃首啓戎行宣力王室出則統一師
旅入則燮贊台階元勲既崇殊賞斯至內訓之功其子或
位列通侯或室嬪貴主姻連右戚榮冠中朝門通河漢之

津地成冠蓋之里每令節嘉賞長筵高會青紫照庭環珮
盈室薰灼人代莫之與京然約已尚柔從夫體順服仁不
倦率禮無爲惣是具美允應多福亦嘗排鳳闕謁龍顏及
承制曰汾陽郡主妻太原郡君王氏婉婉淑德齋莊令容
稟訓姆師友于琴瑟作賓君子宜爾室家克著艱難之勲
實由輔助之力可封霍國夫人初汾陽受命東征長驅河
朔夫人處於西土三徙其居導諸子以義方規衆女以典
則用能聿尊禮度伊加等之顧問奉殊常之寵錫容止合
度威儀可觀帝嘉其賢尤所稱重宜其阜昌盛業蕃衍華
緒荷恩渥於上天保榮耀於當代而夫人蘊高世之度抱
出塵之節以爲致盈必損理有固然誓棄浮華願歸正覺

於是損其服玩斥其愛染思契理於勝因將息心於了義
乃捨京城西別業奏置法雄寺又於法雲寺寫藏經條塔
院置經行之室立禪誦之堂景福所憑斯焉茫昧遐齡未
及奄爾薨殂享年七十三以大曆拾貳年正月辛未終於
平康里之私第皇慈興歎中使臨弔汾陽以睽借老之期
深遺掛之恨撫襟長慟悼亡何及即以其年陸月貳日卜
塋於萬年縣鳳栖之原恩詔贈賻率加常典哀祭之盛今
昔罕儔有子陸人長曰銀青光祿大夫子詹事上柱國大
原郡開國公曜次曰開府儀同三司行左散騎常侍趙國
公暉次曰開府儀同三司行尚書吏部司封郎中上柱國
樂平郡開國公暹次曰銀青光祿大夫試殿中監駙馬都

尉曠次曰銀青光祿大夫守殿中少監曙幼曰朝散大夫

守_秘稱書省著作佐郎映有女八人長女適成都縣令盧讓

金次女適鄂州觀察使吳仲孺次女適衛尉卿張浚次女

適殿中少監李洞清次女適司門郎中鄭渾次女適_汾州

別駕張邕次_女適和州刺史趙縱幼女適太常寺丞王宰並

銜恤在夜是_崇宗窳窳帝女降天人之貴從主婦之儀手制

衣衾親臨祖載自宮徂野徒行號擗此又盛德所感明靈

未慰者也汾陽屬當出鎮瞻望不及思刻金石以紀徽猷

綰顧無讚美之能虛承叙德之命式揚茂實以副永懷銘

曰赫赫崇勳鬱爲元臣峩峩淑德奄有方國夫貴妻尊恩

深寵極聿脩閭政以懋嬪則_妥自中年嘉聲克宣魚軒昭

曜程一作弟婢娟嬪從如雲歌鍾沸天求言浮世載悟貞
筌玄夜何速青鳥斯卜惻蒼笳簫蒼茫陵谷惟貞石之不
朽庶斯言之可復

故義武軍節度支度營田易定等州觀察處置等
使檢校司空同中書門下平章事贈太傅上谷郡

王張公夫人御國夫人谷氏神道碑 權德輿

皇帝以文明御方夏以德禮序人倫貞元十二年秋九月
詔侍臣德輿以故義武節度檢校司空同中書門下平章
事贈太傅上谷郡王張孝忠夫人谷氏之淑行內則俾刻
金石臣聞風有采蘋采藻易曰中饋貞吉所以表柔明於
內子昭節信於元侯宣力獻功抑有其助夫人之先魏郡

魏郡人也在漢元成之代衛司馬吉以勲勞致命於絕
域大司農永以文學盡規於本朝前史書之以勵臣節四
代祖那律皇朝諫議大夫弘文館學士正直之道播于清
時曾祖輔袞左羽林軍長史祖倚相秘書省正字仍代藏
器晦而不耀考崇義天寶末有行師北鄙之勞累書勲伐
至左金吾衛大將軍兼殿中監贈特進夫人即特進府君
之第八女也稟是門風鍾于女士淑閑之度中外宜之初
太傅始自軍校建功河朔克彰婦順敬贊宗事正位于內
尚柔有儀泊太傅自易部領常山遂分節旄以至公相上
略兼資于明智中壺載揚其惠和二姓有輝六姻是憲盡
綸程之飾動珩璜之聲建中元年封魏郡夫人三年進封

鄧國夫人旌淑哲也鵲巢之均一家人之悔勵屬且敬齋之色琴瑟靜好之儀夫人備有焉帷堂晝哭良兮繼志上慈下厚就養無方此又令嗣之能致其敬也貞元十一年冬以門承勲績之崇恩有選尚之貴方築外館聿來上京十二年二月丁卯以疾終於萬年縣安仁里私第年四十九遺章上陳敬而得禮皇情憫惻恩贈集作有加嗣子茂昭義武軍節度易定等州觀察處置等使趙復左金吾衛上將軍檢校工部尚書定州刺史兼御史大夫延德郡王博陵上谷之師以續休緒戎車委重優詔抑情次日茂弘雅王府司馬茂宣舒王府長史嗣雍祀王府諮議參軍嗣慶試將作少監兼御史丞幼曰茂宗銀青光祿大夫行光

兼少卿員外置同正員駙馬都尉皆以純孝裕蠱居喪禮以其年冬十月甲戌奉夫人之輜車葬于京師少陵原不柎舊封式遵古道恩延戚里有命從之初夫人之兄從政實傳戎韜之訓以中執法剖符定州有妹四人所天皆貴異姓之社從夫以尊公室之教率性而中象服交映魚軒並馳其後婚親無非勲德故太尉中書令西平王今太尉中書令瑯琊王夫人之姻也納徵佐餽焜燿于一時此又閨門之盛而積善有類也柔正之風本於王化愷悌之澤洽于幽泉此臣之所以拜受德音銘諸樂石也銘曰
在漢子雲侃然中正昌言獻可遠緒傳慶降及特進策勲

斯盛乃生夫人如玉之温婉彼淑質宜乎盛門金絃石索
所從益尊亦既晝哭道彰訓育中權之貴克繼藩服下嫁
之榮方承湯沐生也有涯壽胡不遐奄然冥冥喪此柔嘉
遽還黃壤空悲白華秦原隱嶙丹旆徐引此焉幽宅自昔
同盡追琢徽音終古不泯

校正九十三字

六月二十九日自圓廣寺歸閣此

文苑英華卷第九百三十四

文苑英華卷九百三十五

皇親

一 鄴國公墓誌一首

二 信王墓誌一首

三 鄴國公墓誌一首

四 新平王墓誌一首

五 睦王墓誌一首

六 郭駙馬墓誌一首

六 會王墓誌一首

七 楊駙馬墓誌一首

鄴國公墓誌一首

楊炯

永昌元年春二月甲申朔鄴公薨公諱柔字懷順弘農人
也縣犯大原王廟諱改為仙掌焉公即隋煬帝之玄孫元
德太子之曾孫恭帝之孫鄴國公行基之子粵若稽古崇
德象賢統承先王脩其禮物惟丞相保寧西漢惟太尉亮

集無曰
字是

弼東朝功書王家澤流後嗣亦猶司徒之敬敷五教殷德
 曰新后稷之播時百穀周有大賚隋高祖昧且不顛齊聖
 廣淵皇天眷佑誕受顧命恭皇帝遜位明敷能讓天下作
 賓皇室與國咸休承百代之宗國稱二王之後公山河積
 氣清白餘基孝友著於閨門信義行於邦國縱心妙用不
 出戶庭覃思典墳不窺園圃及其上公傳位命服居前有
 怵惕之心無驕矜之色漢之平帝猶敬劉歆集作循魯之
 戴公尚聞商頌大唐貴為辰極富有寰瀛用三王之禮以
 同天地泰八代之樂以答神祇郊上玄定泰時金繩玉匣
 日觀登封左介西偏明堂布政未嘗不虞賓在列周客來
 庭禮秩尊於百寮集作拜絕於群彥集作猶能小心畏懼恪

慎肅恭上帝時歆下人祇協以為藩屏以訓子孫稟命不
 融享年五十有五嗚呼哀哉越某月塋于某原嗣子某官
 生盡其孝集作死集作盡其哀學不替於為喪禮有踰於
 鑽燧卜其宅兆俾無後艱述其家風謂之不朽其銘曰
 有客有客乘殷之馬建于上公尹茲東夏有客有客乘殷
 之輅作賓王家率由典故天之蒼蒼人之云亡栢檟成行
 魂歸故鄉

故開府儀同三司上柱國贈太傅信王墓誌

常袞

昔周以仁厚之化睦于宗戚而武王之弟有國者三無官
 者五漢家雖皇子畢王而猶各守疆土不在京師我唐以

孝理萬國周親並建至玄宗儀制益重寵以晉卽罷其歸
藩大第連乎北宮高臺接乎雙闕令舊典不易特恩有加
所以廣親親之道洽骨肉之愛也王諱望字某玄宗至道
大聖大明孝皇帝第某子也母曰盧賢妃性與其貞氣合
於純君親之際止於孝伯仲之間止於弟重以師傳之教
資其賢淑之能實大雅之明哲高陽之恭懿也在開元時
則帝子之寵紫殿温清一作靖彤庭趨拜鳳姿秀發麟趾光
華祚于海邦藩我王室在至德時則皇弟之貴駟馬之迎
深於友愛三雍之獻益用親禮故詩有行蓄勿踐所以昭
忠厚也我皇既受命則叔父之尊安平望高淮南屬長其
朝會也不在贊拜之列其宴私也特加壽餼之敬故書有

分玉展親所以美敦叙也至如綠池朱閣素月清風兄弟
俱來子孫列侍偃蹇叢桂淹留芳草內饗分膳賜藥在庭
杳然遙瀛之外自適天人之樂斯非聖君尊寵之所尚賢
王福履之所宜也以大曆九年十月庚午寢疾薨于上京
春秋五十皇帝設位哀慟輟朝三日乃命中貴人襄事於
內邸宗室屬籍哭于外次既殯又詔司儀備物典策追謚
命太傅光祿勳持節弔祭京兆尹監護喪事以其年十一
月庚申葬于細柳原妃范陽盧氏祔焉禮也嗣子某郡王
某官某乙等孝極其至喪如不勝故事藩王墓銘別詔論
譏微臣惶恐謹而誌之詞曰

王讚黃流文祖受命金璽綠受賢王分慶惟此賢王令德

孝恭尊事天子翼翼邕邕天子敬異優其賜與大輅之旅
玄衮及黼如何不末誰察誰補塋我叔父于渭之傍曉下
蘭坂夕臨芷陽百官會送五校啓行鼓吹悽咽郊原蒼涼
御津門外集作上遠睇連岡懷德增慟廻與更傷

信王第七子贈太常卿鄴國公墓誌

前人

維永泰元年歲在乙巳四月壬戌朔十一日壬申有唐信
王第七子儔終于西京之內邸春秋一十有八嗚呼哀哉
詔贈太常卿粵昱曰追封鄴國公以其年五月三十日塋
于細柳原禮也公系承霄極慶襲藩維忠肅立身孝恭成
性早聯華於武穆能有裕於文孫令範韶閑良才美秀敦
以友悌絕其交遊噐適四科術通六藝弘此素尚暢於黃

中宜其壽昌胡不秀實方固盤石遽凋本枝皇上義切友
于情深悼往睦親軫念懷德增悲寵贈太常卿特優恒數
仍錫苴茅之命用追棣萼之榮日月有時卜云其吉送終
灞岸載慟津門爰命侍臣碑刊貞石銘曰

玄宗之孫信王之子性與聰悟天姿韶美始能趨拜即異
幼冲觀書魯壁習樂雍宮韞此噐能方期光大一朝短折
萬事冥昧皇恩寵贈友愛惟深幽局未閉長夜沉沉

奉天皇帝長子新平郡王墓誌

前人

維永泰元年歲次乙巳二月十七日新平郡王薨于西京
之內邸春秋四十一粵以其年五月七日遷窆于萬年縣
龜川鄉細柳原禮也王諱嚴字伯莊睿宗之曾孫玄宗之

孫奉天皇帝之長子也。幼而溫良，夙乃碩茂，動皆執禮，言必稱詩。皇孫之中，德行推美。周邦右戚，漢典開封。代繼讓王之尊，親承大伯之嗣。先朝友愛，奕葉追崇。常佳南楚之風，每翫西園之月。仁者不壽，遽疾而終。皇上軫棠棣之悲，懷鴈行之慘。輟朝震悼，義切天倫。驚燧云封，龜占從吉。俄辭舊邸，言向佳城。近灞陵之高原，當細柳之吉地。冊旒將引，玄甲啓行。噐備飭終禮，有異等嗣子。年在童幼，執喪而哀。詔塋之儀，悲深先遠。禮豐碑之窆，疑詞在刊。銘銘曰：文昭武穆，天孫帝子。好古推賢，樂善歸美。親承大伯，業繼賢王。漢屏斯重，周卿有光。人闕於水，夜遷於壑。長坂蘭摧，小山桂容。細柳之地，灞陵之川。泉肩一閉，幽燧千年。

睦王墓誌銘

梁肅

王諱某，有唐代宗睿文孝武皇帝之第幾子。今皇帝之愛弟也。某年封睦王。春秋若干，以貞元七年某月日薨於京師。皇上震悼，命有司筮宅兆，選吉日，以明年二月某辰，塋王某縣某鄉某原。禮也。惟天祐序于皇家，惟王承慶于祖宗。方於集作有周康叔實文王之子，擬諸炎漢河間稱武帝之弟。天鍾秀氣，幼挺全德。清明在中，淳耀集作發外。稟先聖之嚴訓，則樂善不倦。奉吾王之深愛，則敬順日躋。至乃因心之孝，率性之道。集作溫良惠和，敏肅端懿。學無不探，集作藝無不至。固以邈焉殊倫，焯集作於生知者已。洎夫備物典策，啓土建封。桓珪之重，盤石之宗。守以清淨，行

以謙冲不然者何名之茂何寵之豐方將明上集作朋三壽以
 用五福胡乃天不憖而命不融此聖人所以深津門之慟
 凡伯百所以惜東平之終臣肅奉詔銘石寘玄壤之中所以
 紀茲墳之未固以表王德於無窮者也銘曰
 聖帝介弟於緝睦王令問令望于邦有光惟王之賢懿德
 日宣受福于天胡不求年東門之路西靡之樹萬有千古
 賢王之墓

會王墓誌銘

白居易

唐元和五年冬十一月四日會王寢疾薨于內邸大小殮
 之日上皆不舉樂不坐朝思也越十二月十八日詔京兆
 尹王播龍就監視塋事寔于萬年縣崇道卿西趙原禮也是

疑作就三字
集本止作播

曰又詔翰林學士白居易為之銘誌故事也王諱纁字某
 德宗之孫順宗之子墜下之氣幼有仁集作德早承寵章
 未冠而王受封于會夫以祖考積集作是德之慶父天兄日
 之貴祚集作昨土列藩之寵好德樂善之賢宜乎壽考福延
 為王室輔嗚呼降年不永二十一而薨集作終哀哉皇帝厚
 敦集作博睦之恩深友悌之愛故王之薨也軫悼之念有加
 於常情王之塋也追尊之儀有加於常數哀榮兼備斯其
 謂乎銘曰歲在寅月窮紀萬年縣崇道里會王薨塋於此
 特進贈統州都督駙馬都尉觀國公楊公墓誌銘

張九齡

公諱某字某弘農華陰人也其先食采於楊因邑為氏始

大於兩漢更盛於周隋司空觀德王我之高祖也台階論道盟府書勲利建維城澤流後嗣洎右衛將軍贈兵部尚書府君諱某累葉炳靈六轡承祀而皆千里一舉逸翰所推五族集作侯同拜貴戚莫比公即尚書之子也誕保中和克紹前烈幼以美秀兼大叔之文長而嘉聞增季友之業孝悌忠信蘊乎生知禮樂詩書成於時習弱冠以門子調補晉州參軍中宗之在春宮也妙簡才地將降天孫兼之實難而公惟允以選尚長寧郡主加朝散大夫拜通事舍人累遷左集作右衛即將神龍元祀中興在運預聞大策克樹休勲而貴主宜家既增湯沐列侯傳國復錫山川至是始襲觀國公拜駙馬都尉左千牛衛將軍加上柱國累遷

秘書監兼太子賓客增秩金紫光祿大夫又特進右散騎常侍左千牛將軍陝王傳坐事左出巴州刺史入為光祿卿復出為毫襄陳鄧四州刺史左轉鄜毫許絳四州別駕公性明敏有器韻不求虛譽而百行允脩不矜小善而九能咸事至於入官從政東文西武才既兩可事亦百中且不恃貴而集作以傷義不怙寵而廢公奉以周旋加之撝挹雖在降出無它悔愆此亦公之善自為謀以道終始者也開元十二年四月癸卯遘疾薨於絳郡之官舍春秋五十天子悼焉有制贈使持節都尉衮州諸軍事衮州刺史仍遣使弔問令還塋京師率禮有加哀榮異數其年秋玖月甲申塋于北原其孤曰某等號在疚願圖遺後之人亦

知范宣之世祿豈獨滅孫之立言銘曰

巖巖太華作鎮西土祚我諸楊降生厥祖四代而立為漢

元輔爰及徽裔克復光集作先古猗嗟觀公不忝前人荷天

休寵為國嘉姻王孫作儷帝子來賓瓊敷玉潤暉映紛綸

乃登王朝乃尊爵秩祿盈萬鍾賦食千室亦克畏滿亦以

戒逸物更盛衰時有得失稟命不融斯人則亡天歸京兆

地還連岡于嗟此室徽音不忘

銀青光祿大夫檢校左散騎常侍兼宮苑閑廐使

駙馬都尉郭公墓誌銘

沈亞之

府君諱某其先關西鄭人也六父汾陽王始以武集作戍勲

著績為朔方軍副使天寶末玄宗西巡巴蜀肅宗勞兵于

靈武乃率其義虜順夷合兵遂叛得為朔方軍節度既而

二駕還都拜為中書令統兵於外初廣德集作代宗初犬戎飲

馬昆明至于御溝天子在陝又以擊逐之功益拜尚書令

封汾陽王尊稱尚父乃詔子駿尚昇平公主都尉主客皆

賢故長安中名人文士自李端司空曙之徒咸遊其門賦

詩席酒炙日而主生子三人女二人長今為皇太后府君

即其少子初憲宗居邸時親臨主家納迎如禮及今上即

位皇太后昆弟皆罷錫尊官而府君最少益蒙隆念自汾

州刺史入為殿中監尚西河公主歲餘改宮苑閑廐使府

君寬柔而易不守剛決長慶三集作二年七月五日暴疾卒

于主家享年三十七太后聞之驚悼悲哀使者自中宮出

詞集作
姪集作
鼓集作

按問發疾之狀月餘乃解以其年十二月十九日塋于京
兆某原之上初西河主前降吳興沈氏生子男一人及郭
氏之喪無後而以沈氏之嗣為之主辦卜塋有期主喪者
使其家吏牽馬操幣至于櫟陽即尉家曰尉之文記事有
聞矣願得為之銘以誌其壙於與叙勲典之事表于墟中
云銘曰河旌崑崙命源惟長跋于神葉集作其來泱泱影響邁
會披華吐章靈姻集作氣交彭而興祥陶以精神涵為濃光保
我國步乃生汾陽在戶作肩橫天為梁息災破難以藥疾
瘡帝子入室固如維綱孫為國母沙麓以昌少舅集作姻
臣謙寬汪汪祿而不壽集作哀彼中霜惟其流慶與唐無

校正九十七字自二十九日

卷終